

272

DIETRICH UND WENEZLAN

an ir libe gewesen,
sô wâren bêde niht genesen.
355 der minne solt si kouften tiwer: 339
ûz ir helmen daz wilde viwer
von den slegen vuor entwer.
von zwein recken wart niemer
ein sô herter strit gestriten.
360 ir ringe wurden sêre versniten
von ir swertes ecken.
si begunden diu gebot lecken
mit slegen dar âne zal:
man hôrt den grimmigen schal
365 vil nâch wol einer mile lanc.
vil manec viwers vanke spranc
ûz helmen und ûz brunne:
vil kleine was ir wunne.
von ir swungen sûste ein wint,
370 er wâr der sinne gewesen ein kint
der durch scheiden drunder wære ge-
gân
dâ der strit wart getân.
wol unz ûf vruoimbizzit
werte zwischen in der strit.
375 von ir vûezen wart ez blôz:
dâ ê daz gras was vil grôz,
daz lac sam ez wære erjeten.
sô swindez pfat wart nie getreten
von zwein dietdegnen:
380 sus vâhten die bewegnen.
Vil sêre müete si der sweiz:
des gie nôt, wan in was heiz.
* 4 vw. a
vûr der kûneginne gezelt
385 wâren si mit strite komen.
manec wanc wart dâ genomen
under schildes rande.
an in beiden man bekande
vil manlichez ellen,
379 dieten degnen 398 niwan] nvn 415 etwa dem vogt von Berne er wac 421 nv
425 och in

390 des ich niht mac erzellen.
man sach dâ michel schouwen
und ouch wunschen von den vrouwen
heiles vunt in beiden.
si wâren ungescheiden.
395 dô nâhent ez gegn mittem tage. 340
nu merket rehte waz ich sage:
müede was ir bêder lîp.
niwan daz si dâhten an diu wip,
si wâren bêdesamt gelegen
400 von müede und ouch von herten slegen.
dô sach der starke Bôlân
dem vogt von Berne daz wol an,
daz im diu kraft abe gie:
er lie in geruowen nie
405 (er begunde in vaste triben),
an deheiner stat beliben.
Her Dietrich wîchen began
vaste vor dem Bôlân:
daz was den Hiunen leide.
410 er treip in über die heide
durch des kûnec Etzeln her.
des starken Dietriches wer
wart unmâzlichen kranc:
vast im der Bôlân zuo spranc.
415 * 4 vw. b
vil mangan bitterlîchen slac.
man sach dâ mangan Etzeln man
vil sêre weinende stân
umbe den vogt von Berne.
420 nu sult ir hœren gerne:
her Dieterich was nu komen,
dâ daz her nâch ende hete genomen.
im hete der Bôlân von der hant
gar gehowen sînen rant
425 und in selben nâch überstriten:
dô kom ouch Wolfhart geriten.
den herren er in nœten sach: